

է Իրանայ ճանապարհն, որ Տրապիզոնից Կարին, Կար-
նից Բասենի միջով կանցնի Տէլի—Բարա զիւղի $\frac{1}{2}$ ժամ
հարաւից, կը մտնէ Գարա—Տերպէնտ (Սև—կիրճ) կոչ-
ուած նեղ երկու կողմից ժայռերով ուղահայեաց չա-
փազանց բարձրացած սարսափ ազդող կիրճն¹, $3\frac{1}{2}$ ժա-
մու չափ խոր կրճի մէջ Լշեկից իջնող ձորակի հետ
բարձրանալով Խալեազի լեռնադաշտն, որ ընդարձակ
տարածութիւն մի բռնած է Բաղրեանդայ դաշտի ա-
րևմտեան բարձրավանդակին վերայ. 3 ժամից ևս բարձ-
րացանք Գահար քրդաբնակ զիւղն, որ Խալեազի հիւ-
սիսային կողմն խճուղոյն վերայ դանուած առաջին
զիւղն, որ Ալաշկերտի վիճակին կը պատկանի և կայ
Գռամ լեռներու ստորոտն:

Մեր ճանապարհն Գարատերպէնտից մինչև Գա-
հար արևելեան հարաւային ուղղութեամբ էր, նոյն
ուղղութեամբ Գռամ լեռներու հարաւային կողերն 3
ժամ քերելով անցանք Չիլուայ կետուէն, ապա Խա-
ւուրմի ջրի հետ իջանք Քիւրդ-Այի քրդաբնակ զիւղն,
աստի ևս խճուղոյ հետ մեր ուղին շարունակեցինք $\frac{1}{2}$
ժամ ի հարաւ, ճանապարհից դուրս դէպի աջ թողլով
Խալեազի վերջին Արուզէթ զիւղն, խոնարհեցանք $2\frac{1}{2}$
ժամու չափ, իջանք Ալաշկերտի դաշտի առաջին զիւղն
-Չեարկան՝ մեր աջն թողած լինելով Տանձուծկներու

1. Այս կիրճն երեք խոր ձորակներու կը բաժանուի.
երկու ձորակներն Գարատերպէնտի մօտ իրար կը միանան, ձախ
կողմից իջնող ձորն Գ.ըզլ Տէրպէնտ կառուի որ և Իյտելու, ուր
կը բարձրանայ ճանապարհ մի, Չաթայ նեղ կրճի միջով կանցնի,
կը դառնայ կիջնայ Մօլլա Սիւլէյման: Մի այլ ճանապարհ ևս
աջ կը բաժանուի Եազլի-տաշ, ուստի Խալեազ կը բարձրանայ
ապա Խնուս կանցնի: